



partii naleraq

Nuuk 11. oktober 2018  
UKA2018/191  
Pele Broberg Partii Naleraq

**Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq. (Kalaallit Nunaanni soraarnerussutisiaqalernissamut aningaasaateqarfinni soraarnerussutisiaqalernissamut ileqqaakkanit iluanaarutit akileraarusersorneqartarunnaarnissaat, aquuterallannut inuussutissarsiutigalugu umiatsiaararsorluni aalisarnermi atorveqartunut nalikilliliinermut malittarisassani allannguutit, takornariartitsilluni imaluunniit attartorluni imaatigut angalaneq, kiisalu nuussinernik nakkutigisanik uppernarsaanissamut il.il. piunarsaatit aamma nunamit nunamut nalunaarusiornerit il.il.)**

(Aningaasaqarnermut Naalakkersuisoq)

### **Siullermeenera**

Inatsimmut allannguummut siunnersuut Partii Naleraq imatut oqaasertalerusuppa.

Aningaasarsianit akileraarutit pillugit allannguutissanik siunnersuutit imminermik Partii Naleqqap tapersorpaa.

Eqqumaffigisalli arlaqarput, minnerunngitsumik nunani allani misilittakkat qiviaraanni. Kalaallit Nunaanni soraarnerussutisiaqalernissamut ileqqaakkanik iluanaarutit akileraaruserneqartarunnaarnissaat Partii naleqqap taperserpaa, apeqquserluguli ilumut siunnersuutigineqartoq periuseq naleqqunnerpaanersoq.

Tassami Danmarkimi akileraarutininik utertitsisarneq atornerlunneqarsimaqisoq, nunatsinni allaffissornerisuaq allisaannarniannigikkaanni nakkutiginnissaa navianertortaqaarsinnaammat. Ullumikkut inatsisaasut, soraarusutisiaqarnermut akiliutaasimasut aningaasat aqunneqarnerat, nunatsinni ineriartortitseqataasinnaanerat killeqqaat.

Tassami Pensionskarsit peqqusaapput aningaasaliiffissat amerlanerit patajaannissaat, piffissaq ungasinneq isigalugu. Tamanna imminermik ajunngilaq, kisiannili aamma killilersorlugu nunatsinni inerisaaqataanissaq. Soorunami taava aningaasaliiffigisinnaasamininnguit akileraaruteqannginnissaat tapersernernarpoq.

Akileraarutilli siullermik Akileraartarnermut pisortaqaarfimmut nakkartissinnarlugit, kingorna utertitassatut qinnuteqarfigneqarsinnaanera allaffissornikkut pisarillisaanera aammalu atornerlunneqarsinnaaneranik periarfissii voq.

Partii Naleqqamit tamakkiisumik inuussutissarsiutigalugu aalisarnermi aammalu takornalerianermi nalikillisaanerit inatsisaannik malittarisassanik oqilisaaneq taperserparput.

Immikkullu illuinnartumik tassaarsuaqarnerup kingunerisaanik ikiorserneqartut akileraarutitigut pillagaannginnissaat, Partii Naleqqamit taperserlugu siunnersuut.

Akerlianik Partii Naleqqap apeqquuserpaa sikumik imermillu avammut niuersinnaatitaasut akileraaruteqanngisinnaanerit.

Suliffeqarfiit nunatsinni pilersinneqarniarsimasut ukiuni arlariinni naluneqanngilaq.

Qeqertarsuarmit imeq mamavissoq ullumikkut pisiniarfinni pisassaavoq, aali akileraaruteqarlutik suliffeqarfik ingerlasoq.

Illumut suliffeqarfiit tapersersorneqarusuppata, taava aamma suliffeqarfiit suli eqqarsaatiginngisavut pitsaanerpaamik tunngavilersortariaqarpavut. Suliffeqarfiit ataasiakkuutaat immikkut inatsisiliuuttaqattaarunnaarlugit, allaffissornersuakkut pjarissersuutaannaasunik. Kiammi inatsisit nakkutigissavaat malinneqarnerat?

Nunatsinni suliffeqarfiliorneq kajuminnarsisarlugu tunngavilersuut arlaleriarluni uteqqinneqareerpoq. Mittarfissuarnut sananissami inummumut akileraarut kommunitut tuttarunnaarlugu, 35%-imut apparlugu, maannalu sikumik imermillu akileraartarunnaarnissaq tikillugu.

Soormi nassuerluaannarutta akileraarutit annertuallaartut tamanut! Partii naleraq illuangiliuttutut inisseqqagaluarluni naalakkersuisoqatigiinnut tapertaasunut tamanna suaarutiginiarparput.

Inatsisilli imminerminik naammangillat.

Iluanaarutini avammumut nuussuisarneq akiorniaanni, tamakkiinerusumik iliuuseqartariaqarpoq.

Tassanilu nunatsinni suliffeqarfiit isertitaminnik akileraarutaat, OECD ilaasortaanni annersaanniittoq, ullumikkut 31,8%-imiittoq appartinnissaa.

Partii Naleqqamiit siunnersuutigereerparput sunniuteqarniaruni, nunat niueqatigisertakkavut naliganut minnerpaamik inissinnissaa, pitsaanerpaaffigalugu annikinnerulernissaa.

Ilaasa ernumassutigisinnaavaat ullumikkut suliffeqarfissuit aningaasannanniutigalugu taamatut appaaneq atorsinnaagaat. Periarfissaavorli kingusinnerusukku akiligassatut akileraarutit ullumikkut pioreersut aaqqiiviginissaat.

OECD kaammattuutai takussutissartaqaisut malillugit, kisitsisilerusupparput siunnersuuterput.

Partii Naleqqap siunnersuutigaa suliffeqarfiit isertitaat nunatsinni assigiilerluni 15%-imut apparnissaa.

Nunat allat OECD-mut ilaasortaasut naammaginarartissimavaat suliffeqarfiit 5,6 milliard koruunit sinnerlugit kaaviiartitallit malittarisassartalernissaat. Nunatsinnut tulluussarlugu Partii Naleqqap innersuussutigaa killerititaq nunatsinni 3 milliard koruunit appartinnissaa.

Taamatut oqaasertalerlugu Partii Naleqqamit susassaartumut ataatsimiititaliamut innersuupparput.